



SIARAN AKHBAR

BDCB MENYERTAI CHINA-ASEAN FINANCIAL COOPERATION AND DEVELOPMENT FORUM 2025 DAN ACARA-ACARA SAMPINGAN

**Nanning, Republik Rakyat China
18 September 2025**

1. Brunei Darussalam Central Bank (BDCB) baru-baru ini telah menyertai China-ASEAN Financial Cooperation And Development Forum 2025, yang diadakan di Nanning, Republik Rakyat China pada 18 September 2025, dengan delegasi yang diketuai oleh Yang Mulia Dayang Hajah Rashidah binti Haji Sabtu, Pengarah Urusan BDCB.
2. Acara yang dianjurkan oleh People's Government of Guangxi Zhuang Autonomous Region, the China Society for Finance and Banking, dan the Asian Financial Cooperation Association, telah membawa tema "Artificial Intelligence (AI) Development and Financial Cooperation Innovation in the Context of China-ASEAN Cooperation".
3. Forum tersebut menampilkan beberapa ucap-tama dari wakil kerajaan Republik Rakyat China, bank-bank pusat serantau dan peserta dari industri kewangan. Menyumbang kepada dialog tersebut, ucap-tama yang disampaikan oleh Yang Mulia Hajah Rashidah antarlain mengongsikan perjuangan transformasi digital di Negara Brunei Darussalam dan komitmen bersama dengan rantau ASEAN untuk memudahkan hubungan pembayaran rentas sempadan, terutamanya dengan rakan perdagangan, termasuk China. Negara Brunei Darussalam juga mengalu-alukan pelabur dan pemimpin perniagaan luar untuk meneroka peluang pertumbuhan di Negara Brunei Darussalam dan rantau ASEAN.
4. Di samping forum tersebut, beberapa pegawai kanan dari BDCB juga turut menyertai perbincangan meja bulat untuk meneroka peluang kerjasama kewangan di antara China dan ASEAN, terutamanya dalam bidang pembayaran rentas sempadan, kewangan lestari dan pencegahan wang haram.
5. BDCB kekal komited untuk memupuk inovasi, mengukuhkan perkongsian, dan memajukan kerjasama kewangan di ASEAN dan juga di peringkat antarabangsa, untuk menyokong masa depan yang berdaya tahan dan mampan.

Brunei Darussalam Central Bank

Date: 4 Rabiulakhir 1447/ 26 September 2025

Ref: BDCB/COMMS/3

